



JUDICIAL SYSTEM MONITORING PROGRAMME
PROGRAMA MONITORIZASAUN BA SISTEMA JUDISIÁRIU

Komunikadu Imprensa
Distritu Dili
14 Dezembru 2015

**Semináriu nasional kona-ba protesaun direitu fetu hosi perspetiva enkuadramentu legal
Timor-Leste**

Iha 15 Dezembru 2015, Judicial System Monitoring Programme (JSMP) liu husi Unidade Justisa ba Feto no Labarik (WCJU) sei realiza semináriu nasional ho topiku “protesaun direitu fetu hosi perspetiva enkuadramentu legal Timor Leste ”

Oradór sira ba semináriu ne’e mak hanesan, Prezidente Grupo Mulher Parlamentu Nasionál Timor Leste (GMPTL), Dekanu Fakuldade Direitu UNTL no Dekanu Fakuldade Direitu UNDIL.

“Atu garante protesaun ne’ebé adekuaudu no efetiva ba fetu, ejize entidade hotu no instituisaun relevante sira hotu nia esforsu kolektiva, nune’e bele kontribui dezenvolve fetu ho konsistensia ba enkuadramentu legal ne’ebé vigor,” dehan Luis de Oliveira Sampaio, Diretór Ezekutivu JSMP.

Agora dadaun relativamente tuir JSMP nia observaun Timór Léste iha enkuadramentu jurídiku ne’ebé natoon atu regula kona-bá krime sira husi violénsia bazeia ba jéneru no protesaun ba direitu vítima sira husi violénsia bazeia ba jéneru nian. Enkuadramentu hirak ne’e Konstituisaun no konvensaun internasionál sira ne’ebé Timór Léste ratifika no lei nasional sira seluk. Mesmu nune’e, iha realidade, fetu barak mak sei infrenta dezafiu oi-oin atu asesu ba direitu ba protesaun hirak ne’e.

Tanba ne’e, JSMP hakarak involve entidades akadémiku sira atu elabora perspetiva akadémika no pontu-devista politiku hosi Parlamentu Nasionál nian relaciona ho enkuadramentu legal ne’ebé existe no asegura katak enkuadramentu legal existente sira ne’e proteze duni fetu sira.

Semináriu ne’e dezeña ho objetivu atu hasa’e kuñesementu estudante universitáriu nian kona-ba direitu fetu iha enkuadramentu legal, hatene di’ak liu kona-ba mekanizmu adekuaudu atu proteje fetu tuir enkuadramentu legal, identifika forma protesaun ba direitu fetu iha natureza protesaun ida ne’ebé simples no lalais no fornese informasaun ba estudante universitáriu atu rekoñese direitu hanesan ba fetu ho mane tuir prinsípiu konstituisaun nian.

Rua setubal, Colmera, Dili Timor Leste

PoBox: 275

Telefone: 3323883 |77295795

www.jsmp.tl

info@jsmp.minihub.org

Facebook: www.facebook.com/timorleste.jsmp

Twitter: @JSMPtl

Partisipante ba semináriu ne'e konstitui hosi estudante universitáriu husi fakuldade direitu, organizasaun sosiedade sivíl, polisia VPU, instituisaun relevante, no mídia sira.

Programa ne'e realiza tanbá hetan apoiu finanseiru husi Norwegian Embassy iha Jakarta-Indonézia.

Atu hetan informasaun kle'an favor kontaktu direktamente:

Luis de Oliveira Sampaio

Diretór Ezekutivu JSMP

Diresaun e-mail: luis@jsmp.minihub.org